



ს ა ქ ა რ თ ვ ე ლ ო
ლ ა ნ ჩ ხ უ თ ი ს მ უ ნ ი ც ი პ ა ლ ი ტ ე ბ ი ს მ ე რ ი



ბ რ ძ ა ნ ე ბ ა : 30. 3025030001

თ ა რ ი ღ ი : 30/01/2025

**ლ ა ნ ჩ ხ უ თ ი ს მ უ ნ ი ც ი პ ა ლ ი ტ ე ბ ი ს სა კ უ თ რ ე ბ ა შ ი ა რ ს ე ბ უ ლ უ ძ რ ა ვ ქ ო ნ ე ბ ა ზ ე ,
ვ ა დ ა გ ა გ რ ძ ე ლ ე ბ უ ლ ი ე ლ ე ქ ტ რ ო ნ უ ლ ი ა უ ქ ც ი ო ნ ი ს გ ა მ ო ც ხ ა დ ე ბ ი ს შ ე ს ა ხ ე ბ**

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-3 ნაწილის „ა“ ქ/პუნქტისა და „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის N669 დადგენილების მე-2 მუხლის „დ“ პუნქტისა და მე-13 მუხლის პირველი პუნქტის, ლანჩხუთის მუნიციპალიტეტის საკრებულოს 2025 წლის 28 იანვრის N4 განკარგულების და ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის უფროსის 2025 წლის 30 იანვრის №:08-30250301 მოხსენებითი ბარათის შესაბამისად,

ვ ბ რ ძ ა ნ ე ბ :

1.გამოცხადდეს პრივატიზების მიზნით, ვადაგაგრძელებული ელექტრონული აუქციონი, ლანჩხუთის მუნიციპალიტეტის საკუთრებაში არსებულ ქალაქ ლანჩხუთში მდებარე 41 236 კვ.მ. და 282 489 კვ.მ. ფართობის არასასოფლო-სამეურნეო დანიშნულების მიწის ნაკვეთებზე, მიწის (უძრავი ქონების) საკადასტრო კოდები:№:27.106.48.890; №:27.06.48.895) ბოლოს ჩატარებული აუქციონის პირობებით;

2. საწყისი საპრივატიზებო საფასური - 2 996 949,46 (ორი მილიონ ცხრაასოთხმოცდათექვსმეტიათას ცხრაასორმოცდაცხრა ლარი და ორმოცდაექვსი თეთრი) ლარი შემცირდეს 35%-ით და განისაზღვროს საწყისი საპრივატიზებო საფასურის 2 996 949,46 (ორი მილიონ ცხრაასოთხმოცდათექვსმეტიათას ცხრაასორმოცდაცხრა ლარი და ორმოცდაექვსი თეთრი) **65 %-ით, რაც შეადგენს - 1 948 017,15 (ერთი მილიონ ცხრაასორმოცდარვაათას ჩვიდმეტი ლარი და თხუთმეტი თეთრი)**, ხოლო ბიჯის სიდიდედ განისაზღვროს შეცვლილი საპრივატიზებო საფასურის 1% - 19 480,18 (ცხრამეტიათასოთხას ოთხმოცი ლარი და თვრამეტი თეთრი) ლარი;

3.უძრავი ქონების პრივატიზებისას შემძენმა შეასრულოს შემდეგი პირობები:

ა) საპრივატიზებო თანხის გადახდა შესაბამის ნასყიდობის ხელშეკრულების გაფორმებიდან 15 (თხუთმეტი) დღის ვადაში;

ბ) ქონების შემძენმა, აღნიშნულ ტერიტორიაზე მოაწყოს საერთაშორისო

სტანდარტების მქონე სპორტული ინფრასტრუქტურა შესაბამისი ნასყიდობის ხელშეკრულების გაფორმებიდან არაუმეტეს 36 (ოცდათექვსმეტი) თვის ვადაში;

გ) ქონების შემძენმა პირადად ან მესამე პირის მეშვეობით, საპრივატიზებო უძრავი ქონების ან მისი ნაწილის განვითარების მიზნით, ამავე უძრავ ქონებაზე სრულად განახორციელოს 4 000 000 (ოთხი მილიონი) ლარის ინვესტიცია (დღგ - ს გათვალისწინების გარეშე) შესაბამისი ნასყიდობის ხელშეკრულების გაფორმებიდან არაუმეტეს 36 (ოცდათექვსმეტი) თვის ვადაში;

დ) მოეწიოს საავტომობილო გზა შესაბამისი ნასყიდობის ხელშეკრულების გაფორმებიდან 8 (რვა) თვის ვადაში საპრივატიზებოდ გამოტანილი მიწის ნაკვეთების მომიჯნავედ არსებული N 27.06.48.022; N27.06.48.132 და N27.06.48.341 საკადასტრო კოდებზე რეგისტრირებული უძრავ ქონებებთან;

4. ბრძანება შეიძლება გასაჩივრდეს ოზურგეთის რაიონულ სასამართლოში, მისამართი – ქ. ოზურგეთი, ი.სიორიძის ქუჩა N26 კანონმდებლობით დადგენილი წესით მისი ძალაში შესვლის დღიდან ერთი თვის ვადაში „საქართველოს ადმინისტრაციული საპროცესო კოდექსის“ მე-8 თავის 22-ე მუხლის მე-3 ნაწილის შესაბამისად.

5. ბრძანება ძალაშია ხელმოწერისთანავე.

ალექსანდრე სარიშვილი

ლანჩხუთის მუნიციპალიტეტის მერია-ლანჩხუთის
მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი

